

Broj: 03-02-587/2015
Sarajevo, 22.07.2015. godine

Bosna i Hercegovina
Federacija Bosne i Hercegovine
FEDERALNO MINISTARSTVO OKOLIŠA I TURIZMA

Primljeno:	23-07-2015	
Org. jed.	Broj	Priloga
0-22-116/15		
Vlada 06-02-777/15		

FEDERALNO MINISTARSTVO FINANSIJA
Gđa. Jelka Milićević, ministrica

FEDERALNO MINISTARSTVO OKOLIŠA I TURIZMA
Gđa. Snježana Soldat, ministrica

Poštovani,

U prilogu Vam dostavljam Zaključak V. broj: 909/2015 od 16.07.2015. godine, koji je Vlada Federacije Bosne i Hercegovine donijela na 15. sjednici, održanoj 16.07.2015. godine.

S poštovanjem,



SEKRETAR VLADE
mr.sc. Edita Kalajdžić

Prilog: -Zaključak V. broj: 909/2015 od 16.07.2015. godine

Na osnovu člana 19. stav 4. Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, prilikom utvrđivanja Izjašnjenja na Inicijativu Općinskog vijeća Stari Grad Sarajevo za donošenje Zakona o turističkim zajednicama i promociji turizma u Federaciji Bosne i Hercegovine, na prijedlog federalne ministrice finansija, na 15. sjednici održanoj 16.07.2015. godine, donosi

ZAKLJUČAK

1. Objašnjenje Federalnog ministarstva okoliša i turizma, broj: 06-02-757/15 od 29.06.2015. godine, upućeno Federalnoj upravi za inspekcijske poslove i kantonalnim upravama za inspekcijske poslove u vezi sa obavezom obračunavanja i uplaćivanja naknada za turističke zajednice nema uporišta u zakonskim i podzakonskim aktima, te se po istom ne može postupati.
2. Ovaj zaključak stupa na snagu danom donošenja.

V. broj 909 /2015
16.07.2015. godine
Sarajevo



Broj: 01-22-856/15
Sarajevo, 24.07.2015. godine

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BIH
n.r. Sekretara Vlade

Predmet: Izjašnjenje na Zaključak Vlade Federacije Bosne i Hercegovine
V.broj: 909/2015, od 16.07.2015. godine

Poštovani,

U vezi navedenog Zaključka Vlade Federacije Bosne i Hercegovine V. Broj: 909/2015., od 16.07.2015. godine ukazujemo da je isti kontradiktoran, jer u uvodnom dijelu navodi kao osnov za donošenje Zaključka Izjašnjenje na Inicijativu Općinskog vijeća Stari Grad Sarajevo za donošenje Zakona o turističkim zajednicama i promociji turizma u Federaciji Bosne i Hercegovine, a u dispozitivu navodi Objašnjenje Federalnog ministarstva okoliša i turizma, broj 06-02-757/15, od 29.06.2015. godine.

U Izjašnjenju upućenom Vladi Federacije Bosne i Hercegovine, u vezi Inicijative Općinskog vijeća Stari Grad Sarajevo za donošenje Zakona o turističkim zajednicama i promociji turizma u Federaciji Bosne i Hercegovine, dato je obavještenje da će predmetni Zakon biti predložen u skladu sa ustavnim ovlaštenjima svih nivoa vlasti i dostavljen na razmatranje u redovnom postupku za donošenje zakonskih akata.

U Zaključku Vlade Federacije BiH, pored Izjašnjenja navodi se i Objašnjenje u vezi primjene podzakonskih akata iz oblasti turističkih zajednica koje je dalo Federalno ministarstvo okoliša i turizma u skladu sa zakonskim ovlaštenjima iz člana 10. Zakona o organizaciji organa uprave u Federaciji Bosne i Hercegovine ("Sl. novine Federacije BiH", broj: 35/05).

Prema navedenoj zakonskoj odredbi prava i obaveze resornog federalnog ministarstva su da prati stanje u oblasti turističkih zajednica, odnosno oblasti za koju je osnovan ovaj organ uprave, te u tom smislu daje upute i objašnjenja za primjenu propisa iz ove oblasti.

Istovremeno ukazujemo da je resorno federalno ministarstvo odgovorno za stanje u ovoj oblasti i u okviru ove funkcije preuzima radnje i mjere na izvršavanju Zakona i podzakonskih akata, a što je urađeno i u ovoj pravnoj stvari, a sve u cilju sprječavanja daljih štetnih posljedica koje su već nastale u ovoj oblasti, jer nadležni organi ne mogu vršiti svoje osnovne funkcije, a fizička i pravna lica ne izvršavaju svoje obaveze .

Iz svega slijedi da je potpuno proizvoljan i neutemeljen stav Vlade Federacije Bosne i Hercegovine da nema zakonskog uporišta u zakonskim i podzakonskim aktima, jer se ova materija isključivo uređuje Zakonom, a na osnovu kojeg je dato i predmetno Izjašnjenje o Obješnjenje.

S poštovanjem,


MINISTRICA
Snježana Soldat

Dostaviti:

- Naslovu,
- Za evidenciju,
- Arhivi.

Broj: 06-02-757/15
Sarajevo, 29.06.2015. godine

**FEDERALNA UPRAVA ZA INSPEKCIJSKE POSLOVE
KANTONALNE UPRAVE ZA INSPEKCIJSKE POSLOVE**

Predmet: Objašnjenje u vezi primjene podzakonskih akata iz oblasti
turističkih zajednica

Poštovani,

Na osnovu člana 12. Zakona o organizaciji organa uprave u Federaciji Bosne i Hercegovine ("Sl. novine Federacije BiH", broj 35/05), a u vezi Presude Ustavnog suda Federacije Bosne i Hercegovine i nesaglasnosti Zakona o turističkim zajednicama i promicanju turizma u Federaciji BiH sa Ustavom Federacije BiH i postupanja po podzakonskim aktima iz oblasti turističkih zajednica, dajemo sljedeće:

O B J A Š N J E N J E

Presudom Ustavnog suda Federacije Bosne i Hercegovine, broj U-34/13, od 03.07.2014. godine ("Sl. novine Federacije BiH", broj: 61/14, od 30.07.2014. godine), utvrđeno je da Zakon o turističkim zajednicama i promicanju turizma u Federaciji BiH nije saglasan Ustavu Federacije Bosne i Hercegovine, te je naloženo Parlamentu Federacije BiH da u roku od 6 mjeseci od dana objavljivanja presude uredi materiju koja je regulisana osporenim Zakonom, do kada se isti može primjenjivati.

Istovremeno sa određivanjem prijelazne mjere kojom je data mogućnost Parlamentu Federacije BiH da uredi ovu materiju, u roku od 6 mjeseci od dana objavljivanja presude u Službenim novinama Federacije BiH, Ustavni sud Federacije BiH je odlučio da ne raspravlja o ustavnosti Uredbe o članarinama u turističkim zajednicama i Uredbe o boravišnoj taksi kao podzakonskim aktima u ovoj oblasti.

Imajući u vidu da je presudom Ustavnog suda Federacije Bosne i Hercegovine utvrđeno da Zakon o turističkim zajednicama i promicanju turizma u Federaciji BiH nije saglasan Ustavu Federacije BiH, a da se zbog specifičnosti postavljenih zahtjeva, kako se navodi u presudi Ustavnog suda Federacije BiH nije raspravljalo o predmetnim uredbama i drugim podzakonskim aktima, to se isti primjenjuju u punoj mjeri do donošenja Zakona o turističkim zajednicama i promociji turizma u Federaciji Bosne i Hercegovine.

Sa ovakvim stavom korespondira i Rješenje Ustavnog suda Federacije Bosne i Hercegovine koji je povodom zahtjeva za preispitivanje sudske odluke, a na zahtjev Predstavničkog doma Federacije Bosne i Hercegovine, donio Ustavni sud Federacije BiH.

Prema Rješenju Ustavnog suda Federacije BiH, broj: U-34/13, od 21.10.2014. godine, Sud cijeni mogućim da Parlament Federacije Bosne i Hercegovine ne donese novi Zakon o turističkim zajednicama i promociji turizma Federacije BiH u skladu sa prijelaznom mjerom, obaveza je nadležnih organa da osiguraju provođenje osporenog Zakona u organizacionom smislu, u cilju sprječavanja mogućih štetnih posljedica za sve koji su upućeni na realizaciju predmetnog Zakona.

Na osnovu navedenog, donosi se ovo Objašnjenje u cilju blagovremene i efikasne primjene odredbe podzakonskih akata u punoj mjeri, a u cilju sprječavanja mogućih štetnih posljedica za sve koji su upućeni na realizaciju ovog Zakona.

S poštovanjem,

Dostaviti:

- Naslovu,
- Za evidenciju,
- Arhivi.

Co. Turistička zajednica Federacije BiH

